


丹陽縣志

ル 5
3284
5



門 九 5
號 3284
卷 5

丹陽縣志卷十五

封爵

自封建之制廢唐時實封猶得食其地之租稅宋以後則僅有其名別給廩祿而已延陵始封厥惟季子嗣亦代不乏人臚列於篇而繫以封蔭亦一邑之掌故也志封爵第十四 封蔭附

周

吳季札吳王壽夢第四子也封於延陵曰延陵季子季子賢壽夢欲立之能始終以讓全其志一使上國而徧交其賢士大夫觀樂於魯而知列國之盛衰夫差

昭和十八年
八月十八日
購求

窮兵黷武季子救陳獨能全師以退蓋識量過子胥遠矣其卒也孔子題其墓曰嗚呼有吳延陵君子之墓

劉賈封荆王賈高祖從兄爲將有功六年以故東陽郡鄆郡吳郡五十三縣封賈爲王丹陽隸焉後淮南王黥布反王戰敗殂廟祀京日子文封列侯食采朱方次子武爲吳王濞所幽因吳將田百祿得釋乃徙曲阿之陰別姓荆氏誌父封也後人立廟祀之族姓繁衍至今猶盛

蔣默封雲陽亭侯默字秀芳詡四世孫父橫仕漢爲大將軍從光武討赤眉有功以司隸羌路譖誅默兄弟九人渡江散處帝尋悟命錄其後默居陽羨封爲雲陽亭侯子孫襲封散處縣境

孫韶食曲阿丹徒二縣自置長史韶伯父河吳人也孫策愛之用爲將軍屯京城初孫權殺吳郡太守盛憲憲故孝廉媯覽戴負殺河韶年十七收河餘眾繕治京城起樓櫓修器備以禦敵權聞亂從椒邱還過定丹陽引軍歸吳夜至京城下嘗試攻之兵皆乘城傳檄備警歡聲震地頗射外人權使曉喻乃止明日見韶甚器之卽拜承烈校尉統河部曲食曲阿丹徒二

縣自置長史如河時

朱據封雲陽侯據吳人有姿貌膂力又能論難黃龍元年孫權遷都建業徵據尙公主拜左將軍封雲陽亭侯謙虛接士輕財好施祿賜雖豐常不足用

晉

高光封延陵縣公食邑千八百戶光陳留人由廷尉拜尙書典三公曹時趙王倫篡逆光於其際守道全貞及倫賜死齊王冏輔政復以光爲廷尉遷尙書加奉車都尉後從駕討成都王穎有功封延陵縣公邑千八百戶

檀憑之贈曲阿縣公憑之字慶子高平人世居京口少有志力閨門雖肅爲世所稱從兄子韶兄弟五人皆稚弱而孤憑之撫養若己所生初辟會稽王驃騎行參軍轉桓修長流參軍領東莞太守加甯遠將軍與劉裕有州閭之舊又數同征討情好甚密義旗之建憑之與劉毅俱以私難墨絰而赴裕以爲建武將軍裕之將舉義兵也嘗與何無忌魏詠之同會憑之所善相韋叟見之大驚曰卿有急兵之厄其候不過三四日耳宜深藏以避之及桓玄將皇甫敷至羅落橋憑之與裕各領一軍憑之軍敗爲敷所害贈冀州刺

史曲阿縣公邑三千戶

唐

包佶封丹陽郡公佶字幼正潤州延陵人擢進士第累官諫議大夫貶嶺南劉晏奏起為汴東兩稅使晏罷以佶充諸道鹽鐵使時李希烈阻兵江淮輸物留梗乃徙餉道自潁入汴德宗已西狩佶遣判官王紹督輕賫由間道趨洋州紹先見行在帝勞之日吾軍乏春服朕且衣裘奈何紹流涕曰佶遣臣貢奉無慮五十萬當即至帝曰道回遠經費方急何可望耶後五日繼至由是紓難遷刑部侍郎改秘書監封丹陽郡

公父融弟何自有傳

宋

湯鵬舉封丹陽開國侯鵬舉字致遠由郡學貢京師試上舍第一登第歷知廣德軍饒州常州本路轉運副使紹興十九年陞淮東漕使秦檜死朝廷懲言路壅塞之弊召鵬舉於外為殿上侍御史白上黜檜嬖黨多所彈劾聽訟敏決一見輒不忘時稱神明御史累官中丞參知政事知樞密院封丹陽郡開國侯庚辰知貢舉一洗徇私之弊卒贈金紫光祿大夫謚敏肅

明

孫炎贈丹陽縣男炎字伯融句容人博學雄辨太祖下
 江南聞炎名召見炎勸收攬俊傑與圖大業會處州
 降命耿再成守之以炎為總裁聽自辟掾吏處州故
 賊衝炎匹馬入城召州豪諭以順逆降者屬路訪青
 田劉基置酒與語劉歎服苗將叛襲炎城中與合勢
 脅炎降炎不屈賊以酒與炎訣炎引滿仰天歎曰丈
 夫乃為鼠輩擒乎卒使解衣炎大罵曰此紫綺裘吾
 君所賜當服之以死遂見害後追封丹陽縣男

封贈

唐

丁福以子翬贈銀青光祿大夫右散騎常侍

宋

丁岐以子竦贈朝議大夫

陳震以子東贈朝請郎

丁汝珪以子案贈通奉大夫

丁堂以曾孫大全贈太傅魏國公

翟思以子汝文贈太子少傅

丁汝錫以孫大全贈太師潤國公

洪榆以子闕贈大中大夫

丁伯洋以子大全贈太師左僕射潤國公

明

儲萬均以孫懋贈戶部右侍郎

儲友文以子懋贈戶部右侍郎

沈通以孫固贈戶部尚書

沈曉山以子固贈戶部尚書

沈悅以子愨贈光祿寺典籍

沈悅以子惠贈明威將軍

王子忠以子禎贈承事郎石城知縣

朱鍊以子臣贈河間府通判

陳廣以子以忠贈戶部員外郎

湯琳以子禮敬贈給事中

吉潤以子棠贈監察御史

睦仲德以子暉封戶科給事中

張翊以子珍贈工部主事

張錫以曾孫捷贈光祿大夫太子太保吏部尚書

賀燦以子鎬贈兵馬指揮

賀鎬以子邦泰封戶部主事以曾孫世壽贈光祿大夫

太子太保戶部尚書

賀鉦以子瀆封鴻臚寺序班

荆輅以子光裕封吏部考功司郎中

張鞏以孫捷贈光祿大夫太子太保吏部尚書

荆樹以子文奕贈建安知縣

見隱逸

丁玘以子一中贈戶部員外郎

姜昕以孫寶贈南京禮部尚書

姜金以子寶贈膳黃通政復贈南京禮部尚書

丁應辰以子鴻陽贈吏部文選清吏司主事

賀邦泰以孫世壽贈光祿大夫太子太保戶部尚書

姜士康以子志禮封尚寶司卿

賀邦謨以子學純贈朝請大夫楚府長史

鍾岱以子鳴陞贈永城知縣

賀學詩以子懋德贈文林郎光祿寺署正

湯岡以子日照封戶部主事復贈浙江右布政

賀學禮以子懋熙贈徵事郎光祿寺典簿

諸葛臺以曾孫晉明贈光祿大夫太子太傅右都督

湯三才以子道衡贈中憲大夫河南歸德府知府

諸葛堯賓以孫晉明贈光祿大夫太子太傅右都督

諸葛佐以子晉明贈光祿大夫太子太傅右都督

賀學仁以子世壽贈光祿大夫太子太保戶部尚書

荆良佐以子懋賢贈文林郎衢州府推官

荆良輔以子懋賢贈文林郎衢州府推官

賀萬齡以子鼎封文林郎尉氏知縣

賀承恩以子納賢贈奉直大夫戶部員外

荆懋功以子之琦封承德郎戶部主事

賀豫亨以子萬元贈文林郎大名知縣

荆文炤以子勉述贈承德郎戶部主事

張紹韓以子捷封光祿大夫太子太保吏部尙書

荆勉成以子鼎鉉贈文林郎渭源知縣

吳山秀以子贊元贈徵仕郎中書舍人

荆士端以子廷實封奉直大夫兵部武庫司主事

荆長春以子鎮贈奉直大夫台州府同知

張一治以子夬贈按察使

姜志魯以子紹書贈奉直大夫工部屯田司主事

諸葛元泗以子樞封戶科給事中

彭晟以子俊贈明威將軍

荆耿錚以子中渭贈明威將軍

國朝

孫懋敬以孫允恭贈通議大夫

孫從義以子允恭封工部員外郎加贈通議大夫

見孝友

楊日進以子志遠贈刑部員外郎

見義舉

張景新以子灝封保定府推官

荆灝明以子柯封文林郎延安府推官

荆廷儼以子振日封文林郎鉅鹿知縣加贈承德郎兵部職方司主事

荆廷儀以子拯贈迪功郎翰林院待詔以子克捷贈文林郎南鄭知縣

荆鼎臣以子元實贈文林郎蒲江知縣加贈雲南道監察御史

林嗣禹以子朝彥贈中憲大夫平樂府知府
賀元封以子寬封潮州府推官

賀焮以子玉昌贈嶧縣知縣

荆廷聘以子子邁贈文林郎峽縣知縣

荆思誠以子龍章贈文林郎貴定知縣

姜彥淳以孫朝勳贈奉直大夫吏部文選司主事以朝俊馳贈中憲大夫延建邵道

姜文葉以子朝勳贈奉直大夫吏部文選司主事

姜文秉以子朝俊贈中憲大夫延建邵道

何斌然以子培綱贈國子監助教晉贈承德郎刑部主事

張澆以子樹仁贈奉直大夫昆陽州知州

荆朝珍以子錫疇贈修職郎大名府魏縣丞

賀注以子植基贈蘭州通判

賀汶以子植基贈蘭州通判

周以登以子玉觚贈登仕郎碭山縣訓導

郭岳超以子梅贈登仕郎睢甯縣訓導

楊華銘以子廷經贈文林郎什邡縣知縣

睦澤灝以子宏儒封昭信校尉

張震方以子元龍贈修職郎歙縣訓導

吳智宏以子奕茂封徵仕郎太湖縣訓導

吳昌瑛以子受祉贈修職郎歙縣教諭

張智以子輪贈修職郎池州貴池縣訓導

吉象乾以曾孫夢熊贈中議大夫太僕寺卿

吉大兆以孫夢熊贈資政大夫順天府府尹

吉曦曜以子夢熊贈資政大夫順天府府尹

吉廷鎰以子彥英贈修職郎衡陽縣縣丞

吉夢蘭以子士瑛贈文林郎新城縣知縣

吉世琛以子鍾穎封奉直大夫鶴峯州知州

吉士璜以姪鍾穎贈奉直大夫鶴峯州知州

吉士琳以姪鍾穎贈奉直大夫會理州知州

林鄧材以子辨香贈修職郎嚴鎮場鹽大使

胡樅以子應魁封奉政大夫淡水廳同知

睦三祝以孫朝棟贈中憲大夫衡永郴桂道

睦大猷以子朝棟贈中憲大夫衡永郴桂道

匡鼎來以子晉鈺贈文林郎涉縣知縣以孫守勤晉贈

承德郎國子監助教

徐學海以子晉福贈修職郎靈璧縣教諭

魏祖清以孫晉錫贈朝議大夫汝甯府知府

魏廷槐以子晉錫贈朝議大夫汝甯府知府

魏晉輝以子駿猷贈奉直大夫榆林縣知縣加知州銜

丁暢以孫鈺贈奉直大夫武岡州知州

魏毓麒以弟駿猷贈奉直大夫榆林縣知縣加知州銜

丁士佺以子鈺贈奉直大夫武岡州知州

丁銳以弟鈺贈文林郎湘鄉縣知縣

丁鈞以弟鈺贈文林郎善化縣知縣

姜增芳以子令訪贈修職郎霍邱縣教諭

林瑀以孫肇穎封昭武都尉

林銓以子肇穎封昭武都尉

林肇穎以子世俊封奉政大夫廣平府同知

林世仁以弟世俊贈奉政大夫廣平府同知

姜式函以孫埴南贈文林郎內閣中書銜如皋縣教諭

姜武曹以子埴南贈文林郎內閣中書銜如皋縣教諭

姜武晉以姪埴南贈文林郎內閣中書銜如皋縣教諭
姜佐襄以弟埴南馳封文林郎內閣中書銜如皋縣教

諭

夏得友以子必貴贈文林郎滕縣知縣

夏時正以子汝贈文林郎思南府推官

夏永常以子時芳贈奉直大夫建甯府同知

於斯盛以曾孫學琴贈通奉大夫湘陰縣知縣加運同
銜

於朗以孫學琴贈通奉大夫湘陰縣知縣加運同銜

夏組以曾孫金聲贈中議大夫通渭縣知縣加運同銜

夏彥昭以孫金聲贈中議大夫通渭縣知縣加運同銜

夏鴻準以嗣子金璈贈奉直大夫平羅主簿加同知銜

夏鴻溥以子金聲贈中議大夫通渭縣知縣加運同銜

夏汝揆以姪金聲贈朝議大夫通渭縣知縣加運同銜

趙偉以曾孫學會贈朝議大夫刑部主事

趙立誠以孫學會贈朝議大夫刑部主事

束炳以子允泰贈中憲大夫特用同知桐鄉縣知縣

姜殿選以子鳳苞贈文林郎新甯縣知縣

賀文曜以子芳贈奉直大夫上猶縣知縣加同知銜

周樾以子玉瓚贈文林郎涪川縣知縣

何朝俊以孫維仁勲封中憲大夫歸安縣知縣

何蘊懷以子維仁勲封中憲大夫歸安縣知縣以孫恩

煌勲封通奉大夫兩浙將盈庫大使

何維仁以子恩煌勲封通奉大夫兩浙將盈庫大使

束允晉以子家麟封武德騎尉

何文郁以子沛霖贈文林郎豐縣教諭

蔭襲

漢

包福以父咸恩任中郎

宋

邵約史以父餽恩補將作監主簿太常奉禮秀州通判

邵壘以父亢恩任池州判

洪光祖以父擬恩授嚴州判

翟從以父濤恩任揚州判

湯東輔以兄東野奏補將仕郎

陳南以兄東恩為處州錄事參軍

陳嗣宗以父東恩補迪功郎

楊中和以妻父陳東恩授忠翊郎

潘好謙以妻父陳東恩授迪功郎處州麗水尉

明

儲天騏以父懋廕任武康主簿

沈志以祖固廕入監

姜紹書以曾祖寶廕任工部郎中

湯愚以父道衡廕任錦衣衛僉書

賀玉醅以父世壽廕恩生

賀萬光以祖世壽廕官生見貢生

張伯駿以父捷廕任通政司經歷

彭金以父慶蔭世襲指揮僉事五傳至應龍止

彭昌以祖慶廕襲指揮僉事

彭權以曾祖慶廕襲指揮僉事

彭鎮以高祖慶廕襲指揮僉事

彭澤以高高祖慶廕襲指揮僉事

彭應龍以高祖俊廕襲指揮僉事

國朝

林長生以父壽春難廕襲雲騎尉

魏念先以祖毓鼇父純難廕襲雲騎尉

束亮功以父家麟難廕襲雲騎尉

戴堃元以父國楨難廕襲雲騎尉

賀人傑以父朝棟難廕襲雲騎尉

裴福元以父守仁難廕襲雲騎尉

趙奇以父正難廕襲雲騎尉

陸景昌以父斌難廕襲雲騎尉

邵楨以父燮難廕襲雲騎尉

虞潤以父攀鵬難廕襲雲騎尉

虞俊升以父汝昌難廕襲雲騎尉

姜榮錫以父應揆難廕襲雲騎尉

張坤以祖淦難廕襲雲騎尉

孫雲錦以父啟宇難廕襲雲騎尉

周禮以祖啟文難廕襲雲騎尉

周榮慶以祖煥鼎難廕襲雲騎尉

趙福源以祖廷璧難廕襲雲騎尉

孫國鎬以父起難廕襲雲騎尉

孫國勳以父榮綬難廕襲雲騎尉

丹陽縣志卷十六

名宦

漢重令長之選晉宋間猶有不經邑宰不得入為台
 郎之制近代權稍輕矣然其為親民官而一方休戚
 之所係固未嘗異也丹陽縣令代不乏人而祠祀者
 絕少然其賢者時時見於職官表朱邑有言後世子
 孫奉嘗我不如桐鄉民不亦視其所被之澤何如乎
 志名宦第十五

吳

顧雍字元歎吳郡人蔡邕從朔方還嘗避怨於吳雍從



齊 一 學琴書州郡表薦弱冠為合肥長後轉曲阿有治績

周洽汝南人為曲阿令廉約無私視民如子後擢都水使者卒之日無以為斂吏民買棺葬之

邱仲孚字公信吳興人為曲阿令會稽太守王敬則反前鋒至曲阿仲孚鑿長岡埭瀉瀆水以阻其軍敬則至遇瀆涸不得進遂敗以拒守功遷山陰令

梁

蕭洽字宏稱天監中為南徐州治中從事前後居是職者皆致巨富洽獨操守清謹妻子不免饑寒累遷臨

海太守有文集二十卷行世

江子一字元亮考城人慷慨有大志為曲阿令多美績

後人立廟祀之

褚澧河南人為曲阿令清謹有聲

澧職官作雲

唐

尹元貞

舊志職官作元正

文明中任曲阿令徐敬業起兵攻陷

潤州元貞率兵赴援戰敗被擒不屈死之事平贈州

刺史諡曰莊

韋損永泰元年以銀青光祿大夫領潤州刺史吏人畏服上無貪刻下無冤情丹陽縣練湖被奸人築堤橫

截白本道觀察使韋元甫率徒闢之民刻石頌德
杜孟寅京兆萬年人永泰元年任曲阿令在任能秉清
白累官侍御史

南唐

呂延貞知丹陽縣事開濬練湖作斗門民賴其利

宋

許元字子春宣城人知丹陽縣縣有練湖故法盜決湖
者罪死會歲大旱元請假湖水以溉民田不待報決
之州遣吏按問元曰便民罪令可也竟不能詰歲乃
大豐

蘇攜字季升以父任轉武軍節度推官爲丹陽丞會令
缺陳力二年如令蒞事時高麗入貢使者所至掇取
攜爲區處而民不知擾歲饑乞米賑濟有司難之請
至再三旣得米朝夕臨視惟恐不均鄰邑來者亦多
全活

蘇京字世美頌之子紹聖中以父任爲承務郎雄州防
禦推官知丹陽募民浚湖易置斗門後通判沂州
蘇忠規頌之孫也紹興間知丹陽多偉節無忝厥祖
鄭作肅紹興二十九年知鎮江軍丹陽縣舊濬練湖占
沒民田數十頃而兩稅尙在作肅奏蠲之

朱天錫蘇州人嘉定九年令丹陽勤於撫字尤篤意學校民皆感化立生祠祀之

施忻職官作沂嘉興二年為丹陽令白府撤本境酒稅務

趙必埭景定三年知縣事建議欲趁水涸僱人夫復湖上流民所侵地修築岸埂民得其利

明

白謙字仲光洪武初知丹陽縣時多流移謙招來復業勤加撫字民甚德之

楊勉平陽人嗜學通經史洪武間知縣事公勤有為興學校勸農桑平賦役吏民稱之

顧信宛平人洪武間為丞公廉愛民興舉廢墜嘗修築湖隄以時蓄洩民甚利之

董復昌番陽人洪武間知縣事修築練湖隄岸置金斗門三處惠政尤多

潘妥黃巖人永樂間知縣事廉謹有為興利除害民受其惠

包達湖州人宣德間知縣事慈祥愷悌民不忍欺陳誼杭州人正統間知縣事公平廉正大興湖利惜未

竣憂去民思之無已焉蔣忠字尚功錢塘人正統間由進士知縣事以才幹稱

尤長於撫字輕徭薄斂民甚安之時閩浙有警邑當衝要軍需旁午忠與太守張巖協力籌應措置有方遷知嘉定升常州知府

楊璉祥符人成化初知縣事政平訟理邑大水壞民堤防竭力蠲賑時有中貴以事構巡撫辭連及璉毅然不爲動卒得直擢御史

李咨字汝弼直隸固城人進士宏治五年知縣事不事苛察一以便民爲務有母控其子不孝請寘諸死者咨審其無逆狀杖數十諭遣之母子感服民犯細故輒貫之至豪橫犯法奸吏舞文則痛治弗貸擢御史

百姓攀輓塞路咨亦相視泣下有二子並舉進士

葉鎮福建松溪人宏治中任教諭厚重剛方訓迪有法作興士類爲師儒冠

龍章廣西人宏治中知縣事以廉著升通判去供具什物皆封識還官行時囊橐蕭然

閻玘綏德州人宏治十七年任縣丞有惠政卒於官百姓留衣冠葬之

周霖陝西乾州人宏治丙辰進士正德六年以御史左遷邑令賞善罰惡禁止令行時流寇乘勢渡江所在驚擾霖竭力保障不致流亡後升郡守

陳良心長興人宏治間以乙榜進士任丹陽教諭博學好古善啟迪卒於官諸生思之

易朝儉監生正德間任縣主簿仁恕公廉深知民瘼申革呂城館驛在任十年始終如一百姓思之

趙章四川合州人正德進士嘉靖初知縣事時丹徒欲以糧加本邑章與鄉紳吉棠力請於本府滕公謚得免

張惟恕河南上蔡人進士嘉靖二年知縣事鋤強剔弊作興學校人才自是始盛爲丹陽良吏之首擢御史官至湖廣按察副使

周甯莆田人進士嘉靖十九年知縣事興利除害蠲復賠糧不久卒士民留衣冠葬之

黃拙豐城人進士嘉靖二十六年知縣事薄斂輕刑嚴出納懲侵尅省夫役裁支應遷大理評事臨行琴書外無長物

陳奎懷安人嘉靖三十三年知縣事適倭寇犯境築內城九百餘丈邑賴保全擢主事歷官徐州兵備副使史永壽翼城人進士嘉靖三十六年任縣事廉靜不苟增築外城以憂去民懷之

尹良任字志伊湖廣漢川人隆慶辛未進士萬曆元年

知縣事有幹才田賦力役著為定式人莫能欺豪右不敢犯擢御史民為立祠

周啟元丹陽令祀名宦祠

按舊志職官表失載任事年分名宦亦漏列事實茲從闕疑之例仍其舊

韓萬象太原人進士萬曆時知縣事官至參政祀名宦

祠

曠鳴鸞字聲和江西人萬曆時知縣事以地方利害為念慈祥樂易民愛戴之堪輿家言丹陽運河至毘陵河流直瀉弗利開濬轉河

姚光盟蘄水人萬曆中典史祀名宦祠

按舊志職官表光盟作光明名宦失載事實茲從闕疑之例仍其舊

甘士价字維藩江西信豐人進士萬曆九年任縣事擢御史巡按蘇松鋤奸剔弊法在必行有正風化之功

累遷大理寺卿

子孫遂居丹陽

黃子淳府學教授祀丹陽名宦祠

國朝

許宸字菊谿河南內鄉人進士順治二年知縣事時江南初定大軍征閩越徵發不時宸多方應變而民不擾居官清謹公退之暇焚香賦詩為名流所重歷任江南按察使司按察使

吳之鏞字穎修彰德人進士順治八年知縣事居官以
實心行實政解任時民思慕不置卽惠山一碧萬頃
亭故址改建萬人亭

賀應旌字懷庵肥鄉人舉人順治十五年知縣事值海
寇犯鎮江陽當近屬應旌嚴爲守備固請巡撫駐防
城下身獨卧起軍前悉力籌畫城賴以完

王用六字六符孟津人順治十七年知縣事時江南奏
銷案起他處紳衿多因逋賦罷黜用六先閱計簿諸
生不及額者數百金悉捐貲貸償之故丹陽獨免民
爲建四牌坊以誌不忘

胡士梅遼東人順治時爲丹陽縣丞歷官至洮岷道祀
名宦祠

馬光裕正白旗人康熙間知縣事明決果斷多惠政邑
人愛戴於嶽廟東廂塑像祀之咸豐十年毀於亂
甯承謨滎陽人雍正間知縣事政績年遠難稽惟邑人
感戴曾於嶽廟東廂塑像與馬公光裕並祀其有功
德及民可知也

仲尙錡濟甯人賢裔雍正間知縣事秉直不撓歲饑多
方賑卹全活甚衆

金鎔字在庵天津人舉人道光間知縣事值暎夷犯順

三修大陽縣志 卷之三十一
八
陷鎮江陽邑迫近寇氛鎔力籌守禦城市安堵如恒
百姓於邑廟內建生祠祀之

進常五字琴溪臨淮人同治六年知縣事時值寇亂之
後民困未蘇獄訟繁多常五下車之始首清訟源懸
鑼大堂便民赴愬未及兩月訟師土惡咸各斂跡並
以民間除耕種外別無生機請之上臺在是年田捐
項下撥款採辦桑秧分給各鄉並頒蠶桑彙編教民
栽養之法民間自茲漸獲蠶桑之利邑人於金公祠
內奉木主祀之

王琬字式如天津人舉人同治七年知縣事值有民教
相爭案洋人挾關道力以相壓制闔邑惶惶幾成大
獄琬不爲動委曲彌縫保全甚衆歲歉稟請緩徵錢
漕暫辦抵徵上官未卽允許琬以去就力爭由是緩
辦抵徵屆及十稔民力藉以稍紓皆琬力也士民於
金公祠內奉木主祀之

舊志尙有于成龍傅臘塔邵穆布宋犖邵嗣堯張榕
端張泰交張元臣陳鵬年九人祇列官銜不載事蹟
按于公等德隆望重雖祀本邑名宦祠其政蹟應載
通志故並闕之

丹陽縣志卷十七

名臣

昔汲黯內列九卿外任郡守當時以為社稷臣明乎
以一身繫天下之安危不但為一邑善士已也丹陽
人才間出其卓卓見於史傳者代有其人若陳少陽
以布衣之士伏闕陳書可與賈長沙媲美矣後之人
景先哲緬遺徽其亦覽是編而知所興起也夫志名
臣第十六

陳

蕭乾字思揚梁光祿大夫子範子善隸書幼補國子周

易生十五舉明經累官給事黃門侍郎高祖使說諭
閩中渠帥咸率眾款附除建安太守留異反陳寶應
助之閩守宰並受其署置乾獨不屈寶應平世祖嘉
其志節超授五兵尚書卒諡懿

唐

桓彥範字士則宏文館學士法嗣之孫少府丞思敏之
子以門蔭調右翊衛遷司衛主簿狄仁傑見而器之
尋擢監察御史累遷司刑少卿張易之昌宗見太后
寢疾引用黨援陰爲備許州人楊元嗣告相士李宏
泰言昌宗有天子相計不軌御史中丞宋璟請窮治

其奸太后不許彥範諫曰昌宗謬橫陰包禍心億測
天命皇神降怒自摘其咎此而可舍誰爲可刑弗納
時內史李嶠等屢奏往爲酷吏破家者請皆宥雪依
違未從彥範復疏請之凡十上卒見聽嘗薦陽嶠爲
御史陽再思曰嶠不樂搏擊之任如何彥範曰爲官
擇人豈必待其所欲神龍元年張柬之將誅易之等
引崔元暉敬暉與彥範定策彥範敬暉率羽林軍就
東宮迎中宗至元武門張柬之崔元暉袁恕己皆會
斬關而入太后處迎仙宮之集仙殿柬之等斬易之
昌宗於廡下太后驚起問故對曰易之昌宗謀反奉

太子令誅之太后見中宗曰乃汝耶豎子誅可還東宮彥範進曰太子安得復歸往天皇以愛子託陛下今在東宮天意人心思李氏願傳位太子以順天人之望太后乃臥不復言明日中宗復位以彥範爲侍中封譙郡公賜實封五百戶韋后干預朝政彥範上書切諫帝孱昏不省俄墨敕以方士陳普思爲秘書監葉靜能爲國子祭酒彥範曰陛下始復位詔軍國用貞觀故事貞觀時以魏徵虞世南顏師古爲監以孔穎達爲國子祭酒普思等方伎猥下安足繼蹤前烈不從時武三思以遷太后銜恚且慮不利諸武時韋后雅爲帝寵畏三思與烝亂因爲帝畫策罷彥範等政事五月加特進封扶陽郡王賜姓韋同后屬籍錫金銀錦繡皆以鐵券恕十死令朝朔望尋出爲洛州刺史改濠州王同皎謀誅三思事洩三思陰令鄭愔告變誣彥範等同逆乃貶瀧州司馬與柬之等悉奪封勳又疏韋后隱穢榜於道帝震怒三思指言彥範輩爲之御史大夫李承嘉奏言彥範等暴訕當伏誅帝業嘗許以不死遂流瀼州三思又諷節愍太子請夷彥範等三族帝不從三思更用崔湜計遣周利貞矯制殺之睿宗卽位追復官爵諡曰忠烈開元六

年詔五人皆配享中宗廟庭建中三年復贈彥範爲
司徒彥範工屬文然不甚喜觀書所志惟忠孝大略
居官不能言及議論帝前雖被詰讓而安辭定色辨
爭愈切祀鄉賢弟元範官至常州刺史臣範工部侍
郎

權德輿字載之其先天水略陽人父皋居丹徒後徙丹
陽家練湖上德輿七歲居父喪哭踊如成人未冠以
文學稱杜佑裴胄等交辟之德宗聞其材召爲太常
博士改左補闕關東淮浙大水德輿建言宜擇羣臣
明識通方者持節勞徠問民所疾苦蠲其租入從之

裴延齡判度支德輿疏斥其奸不報累遷中書舍人
獨直兩省上書請循舊例分曹相檢帝曰非不知卿
之勞但擇如卿者未得耳知禮部貢舉拜侍郎凡三
歲所得士相繼爲公卿憲宗元和初歷兵部侍郎由
太常卿拜禮部尙書同中書門下平章事王鏐由河
中入朝求兼宰相德輿奏宰相非可序進帝乃止帝
嘗問政之寬猛孰先對曰列聖皆尙仁厚時帝頗事
苛急故對以此德輿善辨論開陳古今本末以覺悟
人主爲輔相寬和不務察察名久之以檢校吏部尙
書留守東都進扶風郡公出爲山南西道節度使後

重修丹陽縣志 卷之七
四
二年以病乞還卒於道年六十贈尚書左僕射諡曰文德輿四歲能賦詩積思經術無不貫綜自始學至老未嘗一日去書爲文雅正贍縟當時公卿侯王功德卓異者銘記多出其手雖動止無外飾而蘊藉風流自然可慕貞元元和間爲搢紳羽儀子璩自有傳

宋

邵亢字興宗十歲日誦五千言賦詩豪縱見者偉之范仲淹舉亢茂才時布衣被召者十四人試崇政殿獨亢策入等除建康軍節度推官趙元昊叛亢言用兵在於擇將因獻兵說十篇召試秘閣授穎州團練推官入爲國子監直講館閣校勘同知太常禮院張貴妃薨立園陵禁京城樂一月亢屢疏罷之進集賢校理仁宗繼嗣未立亢謂此係社稷安危因集兩漢以來帝系承襲著興亡論十卷以上由開封府推官改度支判官契丹遣使賀乾元節未至仁宗崩亢請令奉書至樞前使見嗣君從之選穎王府翊善加直史館英宗訪以世事稱之曰學士真國器也擢同修起居注言治國先齊家穎王且授室願採用古昏禮公主下降不宜厭舅姑之尊帝深納之以知制誥兼知諫院東宮建爲右庶子神宗立遷龍圖閣直學士進

樞密院知開封府亢遇事明敏吏操牘至前必反覆閱之曰決是非於須臾初雖勞後乃省也籍惡年少與吏之廢停者一有所犯皆遷處之畿下鬪訟爲之衰止夏主諒祚死或欲乘此更取塞門地亢以爲幸人之喪非義也乃止踰年以資政殿學士知越州歷鄭鄆亳三州薨年六十一贈吏部尙書卽其鄉賜以居宅諡安簡子堦鯤

吳遵路字安道淑子太中祥符五年進士第累官至殿中丞秘閣校理章獻太后稱制遵路條奏十餘事語皆切直忤太后意出知常州嘗預市米吳中以備歲儉己果大饑民賴以濟累遷尙書司封員外郎權開封府推官改三司鹽鐵判官加直史館爲淮南轉運副使兼發運司事嘗於真楚秦州高郵軍置斗門十九以蓄泄水利又廣常平倉儲蓄至二百萬以待凶歲凡所規畫後皆便之遷工部郎中坐事出知洪州徙廣州辭不行乃以爲發運使未至召修起居注元昊反建請復民兵除天章閣待制河東路計置糧草料檢鄉民可爲兵者詔諸路視以爲法進工部郎中權知開封府馭吏嚴肅時宋庠鄭戩葉清臣皆爲宰相呂夷簡所不悅遵路雅相厚善夷簡忌之出知宣

重刊... 卷之二十七
州上禦戎要略邊防雜事二十篇徙陝西都轉運使
遷龍圖閣直學士知永興軍病猶決事不輟手自作
奏及卒仁宗悼之詔遣官護喪還京師遵路幼聰敏
既長博學知大體母喪廬墓蔬食終制性坦雅任重
寡言笑善筆札其爲政簡易不爲聲威立朝敢言無
所阿倚平居廉儉無他好既沒室無長物其友范仲
淹分俸贖其家子德仁終於隱逸

王存字正仲年十二辭親從師於江西五年始歸時學
者方尙雕琢存獨爲古文慶歷六年登進士第調嘉
興主簿擢上虞令豪姓殺人久莫敢問存至按以州
吏受賄豪賂他官變其獄存反爲罷去久之除密州
推官修潔自重爲歐陽修呂公著趙概所知治平中
入爲國子監直講遷秘書省著作佐郎歷館閣校勘
集賢校理史館檢討知太常禮院存故與王安石厚
安石執政數引與論事不合卽謝不往存在三館不
少貶干進召見便殿累上書陳時政因及大臣無所
附麗神宗察其忠以爲國史編修官修起居注時起
居注雖日侍而奏事必稟中書俟旨存乞復唐貞觀
左右史執筆隨宰相入殿故事從之起居注聽直前
奏事自存始也明年以右正言知制誥同修國史兼

重刊大輿圖志 卷之二十七
判太常寺論園丘合祭天地非古當親祀北郊如周制熙甯以來羣臣論事得罪情實納忠當隨材召擢又言赦令出上恩比歲議法者多乞不以赦原減官吏禁請託而弔死問疾一切杜絕皆非所以輔聖明也執政不悅五年遷龍圖閣直學士知開封府京師濱河居人或盜鑿汴堤以自廣按令培築復故又按民廬侵官道者使撤之二謀出自中人已奉詔矣存入言之卽日弛其役都人歡慶進樞密直學士改兵部尙書轉戶部復爲兵部太僕寺請馬事得專達母隸駕部存言如此官制壞矣先帝正省臺寺監之職

使相臨制不可循便而隳已成之法元祐中遷戶部固辭不受二年拜中大夫尙書右丞三年遷左丞有建議罷教畿內保甲者存言京師兵籍益削又廢保甲不教非國家根本久長之計不可門下侍郎韓維罷存言去一正人天下失望讒邪爭進矣又論杜純不當罷侍御史王覲不當罷諫官四方奏讞大辟刑部援比請貸而都省屢以無可矜恕卻之存曰此祖宗制也有司欲生之而朝廷破例殺之可乎又言比廢進士專經一科參以詩賦失先帝黜詞律崇經術意河決而北幾十年水官議還故道存爭之曰故道

重刊大陽縣志 卷之二十一
已高水性趨下徒費財力無成功遂輟其役蔡確以
詩怨訕存與范純仁欲薄其罪確再貶新州存亦罷
以端明殿學士知蔡州始存之徙兵部確主之至是
爲確罷士大夫善其能損怨歲餘加資政殿學士知
揚州揚潤相去一水用故相例得歲時過家上塚出
賜錢給鄰里具酒食召會父老親與酬酢召爲吏部
尙書時在廷朋黨之論寢熾存爲哲宗言人臣朋黨
誠不可長然不察則濫及善人由是復與任事者戾
除知大名府改知杭州紹聖初請老提舉崇禧觀遷
右正議大夫致仕旣降通議大夫存嘗悼近世貴爲
公卿而祀先僅循庶人之制及歸老燕居首營家廟
建中靖國元年卒年七十九贈左銀青光祿大夫諡
莊定存寬厚平居恂恂不爲詭激之行至其所守確
不可奪司馬光嘗曰竝馳萬馬中能駐足者其王存
乎

顧方舉皇祐五年進士爲明州象山令始至召父老詢
民間疾苦勉善戒惡進邑中子弟建學以教之親爲
講說踰年民大悅服方病邑人共禱於神弗痊有剗
股以進者卒之日百里內號泣思慕爲立祠祀焉

丁竦字公吉登寶元二年進士初除西安簿由於潛令

重刊丹陽縣志 卷之二十七 名臣 九
累遷屯田員外郎改職方賜五品服加郎中知泉州
福州兼兵馬鈐轄改知宣州入權三司度支判官歷
陳新法不便出知陳州越州兼浙東兵馬鈐轄尋改
朝議大夫賜三品服積與王安石不合提點西京嵩
山崇福觀元祐初改中散大夫致仕封濟陽郡開國
侯食邑一千三百戶

蘇頌字子容泉州同安人父紳葬潤州丹陽因徙居之
第進士歷宿州觀察推官知江甯縣時承李氏後稅
賦圖籍皆無藝高下出吏手頌劾剔殘蠹簡而易行
凡民有忿爭喻以鄉黨宜相親若以小忿失歡一旦
緩急將何賴焉民往往謝或半途思其言而止調南
京留守推官留守歐陽修委以政日子容處事精審
一經閱覽則修不復省矣時杜衍老居睢陽見頌深
器之自舉生平所設施出處悉以語頌故頌後歷政
多類衍云同知太常禮院至和中文彥博爲相請建
家廟事下太常頌議以爲禮大夫士有田則祭無田
則薦是有土者乃爲廟祭也有田則有爵無田則無
爵是有廟止於其躬子孫無爵祭乃廢也若參合古
今之制依約封爵之令爲之等差錫以土田然後廟
制可議遷集賢校理編定書籍在館九年奉祖母及

母養姑姊妹與外族數十人妻子衣食常不給而處之晏如知穎州時通判趙至忠本邊徼降者所至輒與守競頌待之以禮具盡誠意至忠感泣曰身雖夷人然見義則服平生誠服者惟公與韓魏公耳英宗卽位召提點開封府界諸縣鎮公事遷度支判官送契丹使宿恩州驛舍火左右請出避頌不動州人欲入救閉門不納徐使防卒撲滅之初火時郡人洵傳使者有變救兵亦欲因而生事賴頌安靜而止使還入奏神宗稱善加集賢院學士知應天府呂惠卿嘗語人日子容吾鄉里先進苟一詣我執政可得也頌

聞之笑而不應除吏部侍郎遷光祿大夫遭母喪遣中貴人唁勞賜白金千兩元祐初拜刑部尙書遷吏部兼侍讀奏國朝典章沿襲唐舊乞詔史官采新舊唐書中君臣所行日進數事以備聖覽遷翰林學士承旨五年擢尙書左丞七年拜右僕射兼中書門下侍郎頌爲相務在奉行故事百官守法遵職量能授任杜絕徼幸之原深戒疆場之臣邀功生事論議有未安者毅然力爭之罷爲觀文殿大學士集禧觀使出知揚州徙河南辭不行以中太一宮使居京口紹聖四年拜太子少師致仕方頌執政時哲宗年幼大

臣奏事但取決於宣仁后惟頌奏宣仁后必再稟哲
宗及貶元祐故臣哲宗曰頌知君臣之義無輕議此
老徽宗立進太子太保趙郡公建中靖國元年夏至
自草遺表明日卒年八十二詔輟視朝二日贈司空
魏國公頌器局宏遠不與人校長短以禮法自持雖
貴奉養如寒士自書契以來經史九流百家之說至
於圖緯律呂星官算法山經本草無所不通尤明典
故朝廷有所制作必就而正焉嘗議學校欲博士分
經課試諸生以行藝爲升俊之路議貢舉欲先行實
而後文藝去彌封謄錄之法使有司參考其素行自
州縣始庶幾復鄉貢里選之遺範論者韙之有十子
嘉京攜最知名京以蔭爲承務郎改知丹陽迎父就
養因家焉

蔣猷元豐八年進士授巴陵令尋除監察御史拜御史
中丞兼侍讀論楊戩建節之非言趙良嗣降虜不宜
出入禁中劾孟昌齡專防河之任事久不成公私騷
然雖上意不能盡從而猷言論風旨懍不可犯終兵
部尙書奉祠卒於家

洪擬字成季登進士甲科爲國子博士提舉利州路學
事尋改福建路坐譴通判鄆州復提舉京西北路學

事歷湖南河北東路宣和中爲監察御史遷殿中進侍御史時王黼蔡京更用事擬中立無所附貶知桂陽軍改海州時山東盜起擬城守有功建炎間居母憂以秘書少監召不起終喪爲起居郎中書舍人言兵興累年餽餉悉出於民無屋而責屋稅無丁而責丁稅不時之須無名之斂殆無虛日所以去而爲盜也高宗如越執政議移蹕饒信間擬力爭不可遷給事中吏部尙書言者以擬未嘗厯州縣以龍圖閣待制知温州宣撫使孟庾總師討閩寇命擬犒師擬借封椿錢用之已乃自劾賊平加秩一等召爲禮部尙

書遷吏部命總修七司敕令紹興中以論奏切直罷爲徽猷閣直學士提舉江州太平觀始擬與兄子興祖同上封事侵在位者俱罷起知温州提舉亳州明道宮卒年七十五謚文憲初擬自海州還奉其母居鎮江趙萬叛兵逼郡守臣趙子崧戰敗遁去擬挾母出避賊至欲兵之擬曰死無所避願無驚老母賊舍之他賊又至臨以刃擬指其母曰此吾母也幸勿怖之賊又舍去

洪造字彥襲興祖兄弟同登政和八年進士授歙州黟縣尉方臘陷郡縣造據狹原嶺拒戰使家人間道

重刊九陽集元 卷之二十一 三
奉親以歸而身當其衝時祁門尉王季淵據安坑嶺
敗走造獨引所部與賊相持會假守不察以安坑失
守爲造罪遂繫之賊入城首殺造日爾復能拒戰否
聞者泣下賊平弟連訴於朝璽書褒卹贈通直郎與
一子將仕郎祀鄉賢

邵彪字希文宣和三年進士累官崑山主簿登州教授
秩滿還丹陽聞苗傅劉正彥之變走平江謁禮部侍
郎張浚浚問今日之事計將安出彪日以至順誅大
逆易於反掌顧侍郎何如耳浚遣辯士潘轡入說以
觀其意傅正彥傾心結轡遣還通誠於浚請浚挺身
入覲朝廷可不煩兵而定浚以語彪彪日是必有奸
人謀阻軍以惑眾者侍郎惟無入入則俎上肉耳浚
喜日誠哉是言浚心如山岳不可搖也苗劉誅授國
子監丞尋知秦州楚州以耳聾告老卒於家

邵必字不疑寶元元年舉進士爲上元主簿國子監立
石經必善篆隸召充直講選爲唐書編修官必以史
出眾手非古人撰述之體辭不就進集賢校理同知
太常禮院天子且親祠執事者習禮壇下必言周官
大宗伯掌王之禱祀肆儀爲位鄭康成釋云若今肆
司徒府古禮如此今卽祠所習之爲不敬乃徒於尙

重刊大陽縣志 卷之二十一
書省出知常州召爲開封府推官久之知高郵軍提
點淮南刑獄爲京西轉運使居官震厲風采始至郡
惟一赴宴集行郡但一受酒食之餽以爲數聚人情
狎多受餽則不能行事非使者體也入修起居注知
制誥雄州種木道上契丹輒伐去又數漁界河中事
聞命必往使必以理折之契丹屈服還編仁宗御集
成遷寶文閣直學士權三司使加龍圖閣學士知成
都卒於道年六十四遣中使護其喪歸子約史字公
言十一歲持喪如成人補將作監通判秀州卒年三
十七僚吏共賻之乃克歸喪

湯東野字德廣府學內舍生崇甯間與蜀士范寥告張
懷素謀亂懷素伏誅授寥供備副使東野宣義郎衛
尉寺主簿不就手詔改辟雍丞直秘閣陝西提舉常
平知淄州秘撰江西漕運使初試工部知建康府時
戍兵剽掠人莫能禦東野峻法繩之民恃以安靖康
中知平江建炎初苗傅劉正彥劫帝傳位太子請隆
祐太后臨朝改元明受赦書至平江東野知有變秘
不宣與督府張浚合謀密約呂頤浩告劉光世韓世
忠統諸道兵勤王帝復位苗劉伏誅論弭亂功超拜
徽猷待制工部侍郎兼權建康府乞再知平江上優

重刊丹陽縣志 卷之八
任之遷徽猷學士兼制置使移江東漕後復爲江淮
等路制置使高宗詔以劔旗有云東野到處如朕親
臨又兼發運使知揚州致仕卒於家

陳東字少陽蚤有雋聲倣儻負氣不戚戚於貧賤蔡京
王黼方用人莫敢指言獨東無所忌諱以貢入太
學欽宗卽位率其徒伏闕上書論今日之事蔡京壞
亂於前梁師成陰賊於後李彥結怨於西北朱勔聚
怨於東南王黼童貫又從而結怨於遼金敗祖宗之
盟失中國之信舛開邊隙使天下危如絲髮此六賊
者異名而同罪伏願陛下肆諸市朝傳首四方以謝

天下言極憤切明年春貫等挾徽宗東行東獨上書
請追貫還正典刑別選忠信之人往侍左右金人迫
京師又請誅六賊時師成尙留禁中東發其前後奸
謀謫死李邦彥議與金和李綱及种師道主戰邦彥
因小失利罷綱議割三鎮東復率諸生伏宣德門上
書曰在廷之臣奮勇不顧以身任天下之重者李綱
是也所謂社稷之臣也其庸繆不才忌嫉賢能動爲
身謀不恤國計者李邦彥白時中張邦昌趙野王孝
迪蔡懋李稅之徒是也所謂社稷之賊也陛下拔綱
列卿之中不一二日任爲執政中外相慶知陛下之

能任賢矣斥時中而不用知陛下之能去邪矣綱任
而未專時中斥而未去復相邦彥又相邦昌其餘又
皆擢用何陛下任賢猶未能勿貳去邪又未能勿疑
乎今又聞罷綱職事臣等驚疑莫知所以幸陛下卽
復前命復綱舊職以安中外之心付種師道以闔外
之事軍民從者數萬書聞傳旨慰諭眾莫肯退方昇
登聞鼓搥壤之喧呼震地有中人出眾鬻而磔之於
是急召綱入復領行營金人旣解去時宰議屏伏闕
之士先自東始京尹王時雍欲盡致諸生於獄人人
惴恐朝廷用楊時爲祭酒復東職遣聶山詣學撫諭

然後定吳敏欲弭謗議奏補東官賜第除太學錄東
又請誅蔡氏前後書五上力辭官以歸復預鄉薦高
宗卽位五日相李綱又五日召東東至未得對會綱
去乃上書乞留綱罷黃潛善汪伯彥不報請親征以
還二聖治諸將不進兵之罪請車駕歸京師勿幸金
陵又不報會布衣歐陽澈亦上書言事潛善遽以語
激怒高宗言不卽誅將復鼓眾伏闕書獨下潛善所
府尹孟庾王黼客也以往事憾東召東議事東請食
而行手書區處家事字畫如平時己乃授其從者曰
我死爾歸致此於吾親食己如廁吏有難色東笑曰

重刊丹陽縣志 卷之二十一
我陳東也畏死卽不言已言肯逃死乎吏曰吾亦知公安敢相迫頃之具冠帶出別同邸與澈同斬於市四明李猷贖其尸瘞之同里胡中行護其喪歸東初未識綱特以國故至爲之死識與不識皆爲流涕時年四十有二越二年高宗感悟追贈東承事郎東遺腹子嗣宗幼官有服親一人遣守臣祭東墓賜緡錢五百紹興四年加朝奉郎秘閣修撰官其後二人賜田十頃

翟汝文字公巽父思自開封徙居丹陽累官御史起居郎歷知越州應天府汝文登進士第以親老不調者十年大臣薦爲議禮局編修官除秘書郎二館士建議東封汝文諫阻責監宿州稅久之召除著作郎累遷中書舍人言者謂汝文從蘇軾黃庭堅遊復出知襄州移知濟州唐州又知陳州召拜中書舍人修哲宗國史遷給事中高麗使入貢詔班侍從之上汝文言春秋之法王人雖微序諸侯上不可卑近列而尊陪臣命如舊制內侍梁師成強市百姓墓田廣其園圃汝文言於上師成諷宰相黜之出守宣州召爲吏部侍郎出知廬州徙密州密負海產鹽蔡京屢變鹽法有司希京旨窮治盜販汝文曰祖法獲私商不詰

所由欲靖民也悉縱之去又歲貢牛黃牛失黃輒死
奏罷之欽宗卽位召爲翰林學士改顯謨閣學士知
越州兼浙東安撫使浙東一路和預買絹歲九十七
萬六千匹越獨當十之三汝文奏請減罷紹興元年
召爲翰林學士兼侍講除參知政事同提舉修政局
初汝文在密檜爲郡文學汝文薦其才故檜引用之
然汝文性剛至與檜對案相詬旋罷去卒諡忠惠汝
文好古博雅精篆籀有文集行世又性至孝年踰六
十丁母憂徒步千里護喪歸葬平居奉先嚴謹每祭
掃除內外率族屬告於祖廟旣夕迎主就位行步不
許聞履聲謂祭求諸陰故昏而行禮質明竣事自少
至老雖甚疾無或少懈

葛邲紹熙四年爲右丞相邲爲相專守祖宗法度薦進
人才博採古論嘗曰十二時中莫欺自己其實踐如
此理宗圖功臣像於昭勳崇德閣自趙普曹彬至趙
汝愚共二十四人邲次汝愚上

劉宰字平國登進士調江甯尉歲旱賑荒多所全活蔬
食飲水去官日惟篋藏唱酬詩卷調眞州司法時朝
旨下州責狀供不讀周愔頤程灝程頤等書方得考
試宰喟然曰首可斷此狀不可得告歸理宗初累召

遷太常寺丞行至吳門拜疏竟歸時相收召譽望一時略盡所不能致者宰耳朝廷嘉其節卒諡文清
紀極字極之紹興間由鄉舉授劍浦尉劍潭多巨石碎舟極鳩民疏鑿舟得善濟境多盜極設方略得其尤者十六人悉散去厯崑山樂平多善政縣爲立祠肖像以祀之

明

沈固字仲威洪武二十七年初製大誥選能誦講者固年九歲應詔試第一賜鈔還弱冠領永樂乙酉鄉薦授沂州同知沂西舊有銀鑛罷役久有請開之者固

曰此奸人熒惑聖聽也不力爭之必爲民害乃疏言故坑及泉通海不可鑿鑿新坑則民勞費重且有無不可知勿開便上從之徵入爲戶部郎旋參山東政仁宗卽位命監武安侯鄭亨軍出守大同英宗二年詔固同征西將軍方正遊擊將軍楊洪護送朝貢使臣出關邀擊塞外未服者大獲而還二年詔鑄總督邊儲印卽軍中賜之命兼理兵食諸務固感上知遇思自效屢陳邊計曰臣在邊年久頗知大同地利如青林馬頭山等處土沃而多水草洪武永樂間俱有居民屯種畝收穀至二三石邇者近邊守將各思遠

重刊丹陽縣志 卷之七
禍不許民種臣請以諸屯所步兵於所近沃野開耕
作息以時乘間講武秋成時爲斂發而出納之足國
裕民莫便於此時廷議出塞窮追恐墮敵計戒諸將
不使出軍固疏言是徒使勇者喪氣怯者得以飾詞
也不如許令諸將相機而行或乘彼不虞直擣巢穴
時令間諜密探賊蹤縱少得利軍威亦振及總兵朱
冕等會兵出擊固又言我軍奉敕盡行設爲彼誘牽
制我軍襲我孤城非萬全計請自今出戰居守各從
便固老於兵間深知進退相機規畫知無不言封事
凡數十上輒得優旨七年拜戶部侍郎秩二品仍守

大同十四年也先渝盟大入諸路皆敗績固所居守
獨完上親征車駕駐大同三日固欲口陳方略爲中
官王振所格上遂北狩也先復劫乘輿入關固率守
將廣甯伯劉安等出朝伏地號哭上命括官庫金帛
犒軍或難之固曰主辱臣死義也倘得弭敵以免君
難何惜是脫異日問矯制罪罪獨在我不以累諸君
乃盡出所有以獻景泰初朝臣發其事忌固者欲因
此中之會敘戰守功獨多寢不問徵入爲左都御史
固自洪熙元年出鎮大同至是二十七年親督諸將
與敵大小十餘戰未嘗敗興屯振旅全師而還顧以

前事不自安屢疏乞歸英宗復辟降手敕徵之有曰
朕新復辟念我舊人入覲便殿即日拜戶部尙書四
年上疏引歸乞骸骨賞賚殊厚詔大官賜宴公卿祖
帳都門外憲宗立進階榮祿大夫年八十一卒賜葬
石羊村

王璉字伯器博學工文辭登永樂十三年進士選庶常
遷監察御史巡按浙江摘奸發伏破傷大姓極多公
廉不受請託屬吏多側目會璉還朝吏密取御用器
置其囊關吏發之璉素慙直竟不自明如律論戍邊
同里沈固白其寃復原官仍令按浙時撫浙者金壇

虞謙泊舟河干見風雪中荷擔者直指也延之下連
呼寒甚立索飲數升謙曰君欲何爲璉曰豪家殺人
投囿中此事非可以假人吾僞爲農夫鬻糞竭其囿
當得尸誠無所逃罪謙曰君良苦矣且按浙久必盡
得此間奸利狀幸語我分捕之因探懷中牘示謙而
爐火方熾急投焰中璉大恚恨謙笑曰盍留有餘爲
後人地乎璉終不悛疾惡愈甚遭鳩卒官無後

儲懋字世績永樂甲午領鄉薦爲禮經冠會試中乙榜
授台州訓導秩滿擢吏科給事中鄉人以註誤坐罪
當論死其子鳴寃闕下適懋直登聞鼓院或以避嫌

止之懋曰此吾職也苟避嫌將聽人寃死乎卒爲入
奏事得白英宗初立詔選經明行修者充經筵官懋
膺首選改翰林修撰宣宗實錄成進侍講時福建用
兵命懋以戶部侍郎督餉得便宜行事至則徧曉有
司毋急歛困民民困亂滋起矣多方規畫軍事以濟
景泰二年改禮部侍郎奉敕迎上皇詣龍虎臺朝見
上皇手賜以酒丁內艱告歸命奪情屢乞終制不許
會南京戶部尙書缺臺臣言留都根本重地請擇德
望之臣補之遂陞懋戶部尙書而懋疾已劇卒於京
邸

湯禮敬字仁甫少貧傭書雲陽驛以給食直指泊舟驛
前夜半聞讀書聲疑丞子也晨起訊之丞叩頭曰是
傭書湯禮敬也召入試以文大稱賞屬令善待之曰
邑有佳士可令其貧無食耶成化丙午鄉舉宏治丙
辰成進士授行人賫詔使甯藩王厚遺之不受擢刑
科右給事中正德時逆閹劉瑾用事禮敬首疏劾之
曰太監劉瑾等以先朝舊人經東宮任使當皇上嗣
統之初正國家多事之日乃敢肆其技能工巧言詞
捷給凡所以蠱惑上聽變移聖性者無所不爲試思
此等舉動果斷自聖心者耶抑此數人者誤賺而成

此也方今旱乾水溢民困盜起今歲孛彗飛流明年日食歲首災異之大莫甚此時往年雷震奉天殿鴟吻遂有土木之變今夏復然其應將何如哉痛哭流涕賈生尙陳於漢文之世今日時勢特甚於彼奈之何而忍緘默耶已又論兩廣鎮監革經又偕九卿伏闕請誅八黨劉瑾銜之尋以其請當審奏囚決之日有愬寃者屏勿奏指爲變祖制謫薊州判官瑾攬權日甚憾言者不置因榜給事中十六人於朝堂禁錮之日日奸黨禮敬名第一瑾敗屢召不起與王守仁善有往復論學書家居簡約坦率鄉人無少長皆愛敬之刊諫垣遺稿行世

吉棠字師召正德甲戌進士授桐廬知縣調金華擢監察御史劾奏宦官谷大用又論救大學士石瑋以議大禮弗合出守南昌調慶遠慶遠蠻俗難治棠至召父老嚴約束課農興學一以中土法理之往時各州酋長歲餽守金萬計卽殘暴弗禁酋應供賦役悉復徵於民棠納其金給以契曰爲民供某賦某役於是民間賦役十捐其五先是各洞獠彝三歲當一殺嬰兒不令生聚著爲令棠馳疏曰獠人卽吾人善撫之犬羊可馴胡爲殺其嬰兒以干和氣從之獠人大感

悅所在廟祀尋移守衡州擢福建按察司副使卒祀鄉賢

睦陞字子蘊嘉靖戊子舉人已丑進士授行人屢使親藩皆卻其贈擢戶科給事中旋掌刑科益勵清節嘗巡視十庫得中貴人奸弊夜舁金所免不受轉劾之奉敕募兵防關上籌邊十策多見採行以母喪歸哀毀成疾遂不起

張珍字聘之嘉靖乙未進士初授工部主事督理呂梁洪有功歲漕賴以濟晉戶部郎中督修太廟織悉躬親工成無耗費賜金帛兼管西苑有麥穗兩歧之瑞顧因言巨璫乾沒國貲爲忌者所中落職歸家居三十年杜門課誦如諸生乙卯倭寇江南時陽邑無城池當事議版築費珍捐貲爲之倡倭至同郡倅協力守禦民賴以安卒祀鄉賢

丁一敬字聚卿嘉靖甲午舉人歷知崇義安仁衡陽三縣所至皆有治績性廉介不事請託士大夫交稱之然多忤上官秩滿量移滄州佐引疾歸一敬性至孝侍親疾踰月不解帶執喪三年不露齒與弟一中以學行相砥礪推祖產以給幼弟宗族貧者賑貸之卒祀鄉賢崇義衡陽並祀名宦

丁一中字庸卿一敬弟並從江西羅洪先毘陵唐順之遊所學日益進年十二餽學宮嘉靖中由恩貢謁選授青田知縣有馴虎之異陞戶部主事以誥誤謫倅延平建鶴鳴書院以教邑士歷泉州郡丞值海寇會一本亂一中等兵轉餉竟撲滅之擢南戶部權稅刑關疏請正提調官制神宗命勒石遵行轉郎中致仕卒祀鄉賢

賀邦泰字道卿嘉靖己未進士知莆田禦倭有功戚繼光稱其能陞戶部主事出守南康改廉州又改瓊州歷遷湖廣參政華款胡國瑞據五開叛泰以計擒之督學山西擢江西按察使罷歸泰在瓊時海忠介瑞見泰飲麥粉粥廚御蕭然服泰廉潔大計卓異第一嘗降海寇李茂及歸茂己立功爲大帥來送餽珍寶鉅萬邦泰卻不受茂叩頭固請僅取沈香一片留浮屠爲佛像

姜寶字廷善幼穎悟同兄竅力學博極羣書游唐順之門所詣益進萬歷癸丑登進士第三人選庶吉士時嚴嵩柄國公事外不一謁私門丁繼母艱服闋除編修讀書道院日與同志諸賢講學都門屏跡權門如故會吳時來張翀董傳策並以論嵩杖戍使使送之

行贈以贐益招嵩忌出爲四川提學僉事轉中州參政提督八閩學政其兩爲提學也嚴於行寬於文嚴於程寬於例明正學黜浮夸諄諄嚴義利之辨士習文風爲之一變在河南時御史顏鯨疏處伊庶人潛消不逞寶與有力焉洛人賴之徵爲南京太常少卿轉膳黃通政陞國子祭酒寶謂太學賢關職在總領優游升散非朝廷設師氏之心也爰是經義治道分類立齋大旨如教蜀閩時更條上監務八事尤重在抑倖途存積分法期不失國初養士意初徐階高拱並相互修隙寶爲階所取士力言政府自有體頃任

言路攻拱不已何以養安靜和平之福乎與階意相左及拱再起終以階故嗾思所以中之乘其駁查魏國公家事誣以危法聽勘家居著書立言益講求性命之學不通京朝政府聞問者十五年事旣白薦起南太常轉刑部侍郎改吏部晉禮部尙書屢疏辭不允所建白十餘事皆覆議允行獨請冊立定國本疏留中不報引年乞骸骨詔加太子少保致仕置義田立義學申宗法以統理族人卒年八十賜祭葬祀

●鄉賢

湯道衡字參予萬曆丙辰進士由戶部主事知南昌府

以事被逮士民遮道請留者數萬人事聞詔釋之補歸德同知改東昌所至有惠政擢山東武德道尋督本省學政禮部考核第一陞僉都御史巡撫甘肅以軍功蔭一子世襲錦衣衛百戶母老乞歸卒道衡性倜儻有吏才能治繁劇其在南昌也廳事前爲屋數楹令訟者居之一宿而決

姜士昌字仲文寶次子五歲就傅讀書至楚國無以爲寶輟讀拱立曰此家大人諱師大奇之十歲試郡邑文已傾動一時萬曆己卯庚辰聯捷成進士甫弱冠授戶部主事司徐州倉兼關務關倉夙弊鉤剔若神

當事驚其能轉員外郎進郎中在徐疏陳四事曰杜留中錄遺直舉召對崇節儉語多切直至是風霾示儆應詔陳言請建儲位以答天戒未幾鄭承憲請父福墳價恩資踰制士昌疏言陳昌言皇太后兄也數止五百三十兩鄭福皇貴妃祖也遂給五千兩奈何以椒房之戚加慈闈懿親上弗納乞假省親還朝復疏斥詞臣試錄失喻者士昌年少負氣節數言事直聲震天下執政者忌之出爲陝西提學副使所獎拔多名宿又以章句不足資實學修復書院立五學會一經二史三理學四古文詞五典故其才傑者聽占

重刊陽明志 卷之二十七
三
一三每月六日博士集諸生會講以次質問相辨難
遷江西參政兼僉事備兵大名以親老乞終養歸兩
丁內外艱制滿補江西參政督理驛傳一切額外之
征暨非時夫役釐革殆盡檄各屬上支剩存貯數可
抵一歲額請之兩臺免編可七千餘金時礦監勢張
甚其下挾片紙橫案所在無敢訶禁士昌任璫票屏
不下郵亭其嚴重如此以朝賀入都會大學士沈一
貫罷朱廣李廷機相繼入閣士昌以建言諸臣未召
還抗疏力訟廷機方以清節受上知疏中言同一清
節也然古今廉相獨推楊綰杜黃裳以其能推賢薦

士耳王安石亦有清名竟以禍宋其操行同所以用
操行者異也廷機恚甚疏辨言閣臣行所無事耳不
與聞吏部用人事且今未嘗行青苗均輸等法也並
遺稿士昌士昌答曰閣下總領天下非行所無事之
任今日天變人離民窮財盡仁賢遺棄非行所無事
之時及今羽儀方新行事未誤亟反正之甚易非必
再行均輸等法而後同其誤國也廷機益怒然帝尙
未欲遽罪士昌也會朱廣亦疏辨如廷機指乃下士
昌疏命罪之鑄三秩爲廣西僉事再謫興安典史歸
隱十餘年從高攀龍顧憲成講學東林黜浮崇實一

承父風天啓初方錄用言事諸臣士昌先卒贈太常寺少卿海內惜之

姜志禮字立之萬厯己丑進士授建昌推官白理學鄧元錫寃多所平反丁外艱再補衢州晉大理評事典試雲南時京師多滯獄上疏請矜恤從之厯刑部員外郎出知泉州泉州萬安橋綿亘數里作鎮海門造自宋蔡襄爲颶風所壞鳩工修之濱海有沙格灣貧民資漁利以生久爲豪家侵踞奪而還之民德焉並建祠以祀泉故多巨室試士日積薦牘盈箱焚之堂下有鮮衣奴直入堂上挾李廷機書來叱曰相公生平無私書書詐也立答之窮其狀果非廷機書李聞謝曰全我晚節者姜君也又拔會狀莊際昌大學士蔣德璟於諸生中士論翕服擢粵東副使時稅璫爲害甚稅粵者李鳳死閩璫高案謀兼之公曰粵人幾死於鳳而案復來是二死也勒所部無具舟楫案來不得渡更有書諭以陳鳳楊榮之禍蓋兩人新以稅璫伏法案以故意阻而止海南黎岐猖獗設機宜制服之轉山東右參政分守登萊值福王就封河南賜田二萬頃連楚豫齊三省地命中貴檢民田所過騷然將入登萊境拜疏力爭之上震怒謫僉粵西瀕行

念山東饑人相食建議募粟數千萬賑饑又恐璫至
變生乃懸檄青社曰福王皇上愛子莊田跨三省宜
於歉歲賑施爲豐時收稅地遣官來爲爾民市義也
許百萬饑民環呼求賑然慎無毆辱貴人因以前意
諭璫能贖百萬粟來乎卽不能宜去無貽悔也璫遂
巡不敢入更請撫藩善解之歲以輕贖致之王王如
約旣抵謫所點徭韋尙勝屠戮三十六村堡屢敗官
軍志禮不動聲色出奇計擒之又募粟賑兩江饑久
之遷江西參議進浙江副使有葉朗生叛案株連萬
餘人悉焚其籍誅止數渠魁入爲尙寶卿典試山西

會中州進王璽逆聞魏忠賢欲因志禮疏獻之執不
可又合同官疏救楊漣忠賢恚甚嫉言官糾以年老
遂乞休詔加太常少卿致仕道逢魏大中繫逮相見
慰勞更憤激出詈語緹騎還白之志禮凡三忤中貴
至是忤忠賢怒不解借冢宰趙南星案竄入志禮名
檄下巡撫提勘太守賀仲軾執不肯奉檄相持久之
南星亦爭之力無所指名得不坐終矯旨削奪崇禎
初詔復原官起用以老辭年九十餘卒明史有傳
賀納賢字治原萬厯庚子舉人補桐城教諭遷知攸縣
治行爲湖南第一忤顯要意量移巴州佐天啓初奢

重刊丹陽縣志 卷之七
會屢叛圍成都渝城復兵變全蜀震動巴民日四五
驚獨以靜鎮持之忽一夕譁言賊至納賢戒家人環
井立有不測死此而白衣冠坐堂上城中舉火如晝
屢呼日至矣至矣納賢曰巴在萬山中賊不得驟至
此奸民乘亂惑眾也遍曉居民曰有守在無恐陰令
人捕得造訛言者窮治之時成都被圍久援兵不至
城旦夕且破獨巴州義勇先赴爲諸郡邑倡事平論
功上格於例僅擢夔州郡丞遷南戶部員外出守慶
遠慶瘴鄉民獠雜處土官爭襲相賊殺時議進勦納
賢曰以勦賊之兵爲弄兵之賊徒擾民無益也太守
請獨當之不過數幹吏事耳卒從其言縛渠魁以報
晉按察副使備兵本省致仕歸家居建祠設義田又
十餘年卒年八十五祀鄉賢子有徵官平涼通判燕
徵文苑有傳

陳德諭字心言萬曆間恩貢廷試第一授德平令清廉
平恕訟獄幾息陞雲南麗江府判捕蒙化黠獠李青
吾繫之獄卻其賄以除民害賓州近山多水泉德諭
教以內地插蒔法滇人至今受其利土司蓄異志者
曉以順逆利害咸感服爭以金來餽德諭揮卻之乃
以金範陳太守像世世祀焉

賀鼎字公調天啓乙丑進士歷知尉氏永城縣課最需
次應得華選初鼎之在永也山東觀察使胡一龍子
殺人鼎捕之亡匿父署遍屬要津爲之解捕愈急一
龍恚甚永鄰長垣而吏部尙書某長垣人一龍姻舊
於考功時尙書以諛辭致鼎罪迫考功郎署之然鼎
廉有聲望卒弗能罪調武康簡缺也居三年課更最
徵入爲兵部郎故事兵部以五年考察軍吏鼎適尸
其事公嚴得上意上方憂邊使備兵宣府時

大清兵已略漁陽將攻岔道城鼎至引去宣府劉永祚
懦而黠念宣勢弱緩急不足恃因勒兵昌薊間以護
陵爲辭鼎至宣府移書促之還鎮不從至嚴詔切責
心恨鼎當是時鼎數條備邊策多採行永祚與鼎臨
邊互市坐帳中市者跳而入狀猙猛不遜永祚恐欲
趨去鼎躡而止之召譯者問所言云何而徐以數語
折之市者懾服不敢動又鼎屯田致粟數千石上嘉
之屬吏部增其秩而下其法於九塞永祚益慚恨鼎
欲盡廣塞下田充軍實省司農費鑄山以爲錢通市
以貨馬將由此樹功名視永祚蔑如也然市易經費
皆致之內地徵發期會需時日而永祚竟以是陷鼎
遂飛章構之上亦欲明其事逮鼎下僚多不直永祚

永祚抑使弗言鼎在宣銀錢銖兩皆有籍永祚令焚之使不得白然上終無所歸獄釋鼎鼎已病卒於邸舍年甫四十有七鼎爲人磊落有志節與人交坦坦不設畦徑至臨大事則抵掌慷慨意氣殊甚崇禎朝大臣皆一切苟且自便鼎獨奮然欲有所爲不幸爲小人所陷識者惜之鼎沒後數年上谷屯田歲益登一山泉灌溉遂成腴壤

賀懋照字爾徹天啓中以明經謁選授唐府長史唐端王老世子早卒世孫宜嗣因次子福山王母嬖欲立之懋照以去就力爭王迫於大義始冊立世孫王薨

世孫嗣甚德懋照顧以前故恨福山王謬謂醫人侍考疾無狀詞連福山王懋照力諫曰王考得正其終殿下得正其始奈何以考終之令德而加以被殺之惡名乎連抗章以爭詞累干言又廷諍不已王素敬禮懋照至是以其切直疏之遂解官歸王竟杖殺福山王會巡撫蔣允儀疏糾王驕恣無道引懋照納忠見斥以其狀上王疑懋照使之因劾以長揖不拜失人臣禮時懷宗從信邸嗣位特隆藩禮遂逮之詔獄懋照於獄中上書明福王奪嫡進藥之妄而自訴強諫得罪之由禮部侍郎陳子壯亦奏曰朝廟大典偶

涉玩慢止於降罰鮮有纍纍受法者事遂解懋照已先得疾卒於獄中子元封貢士豐才博學有聲孫寬別有傳

賀王盛字周兼天啓辛酉舉人崇禎戊辰進士授諸城令叛將作亂募勇固守賊不敢犯莒寇起發壯士往勦大破之渠魁走死秩滿例除臺省當事畏其峭直詭言盛知兵於是擢職方主事盛曰此獨不可以報主耶乃抗疏極論時政語侵首輔溫體仁體仁疏辨盛條奏其竊權亂紀實跡疏凡七上見藝文體仁杜門不出屬次輔擬旨請廷杖不從鐫三級調豫幕未

幾體仁去晉大理副使擢太僕寺丞爲右少卿時以漕爲急有海運議特命盛視海道具疏繪圖復命將入都而都城已失守矣後殉國難見忠節

荆偉字元升崇禎時流寇充斥所過無堅城朝廷以州縣失人詔破格取士偉以選貢對策高等授墊江令時年六十一或以巴蜀道險勸勿赴偉曰身已許國敢以年老辭毅然就道既至周覽形勢以忠州爲全蜀門戶墊江又忠州根本於是繕城隍練鄉勇討軍實爲固守計縣有東西兩山劇賊龔遂等阻谿谷爲巢穴時出剽掠偉設伏用奇數俘其精銳賊號哭遠

竄自後不敢窺墊江會獻賊已破楚豫乘勝欲圖蜀
約遂等爲內應徹蜀門戶而慮偉在墊計先領偉志
乃得逞陰潛伏城濠間漏將盡適司理在縣欲行城
卒啓關遂率眾突入據關門大呼城中兵擾亂偉聞
變急趨出諸子及家人纍纍牽衣啼偉曰吾不惜一
死任兒曹自爲之乃登堂賊已入偉呼曰汝輩皆朝
廷赤子欲何爲若從吾言並力禦賊富貴不足憂也
賊魁意猶豫眾大噪曰是率壯士殺吾徒於萬山睡
夢中者攫其肉猶晚耳慎毋中若計因攢槩前偉躍
起奪槩反鬪刺賊十數人力盡被害眾欲并害家屬

賊魁止之曰此廉吏所以殺之者圖大事耳宜全其
妻子乃縱火焚掠而去祀鄉賢

賀懋廉字貞叔崇禎時鄉貢爲鄭州丞乙亥元旦寇數
千將薄鄭守臚胸不任事懋廉曰鄭爲大梁西蔽無
鄭則無大梁必死守賊至斂甲登陴發礮碎其二賊
賊稍解時郡兵實不滿三百夜驅市人婦女悉乘城
旦日望五采幡幟環城再市吹角鳴鼓效京營兵賊
疑援至因駭散臺使者疏守鄭功遷都司經歷尋攝
項城令項爲賊巢左右掾史以下皆賊耳目懋廉至
檄諸若急復業謀生否則大兵至族矣又設糜食饑

者以間築營堡嚴保甲儲器練卒項始有固志先是
劉中堯田中賢皆勇士以俠敗繫獄懋廉出之署團
練事屢擊賊詣縣上首功後與賊遇中堯數騎赴賊
墮伏中死懋廉爲文祭之極哀姚金者故劇盜也以
驍勇聞被獲懋廉諭曰汝當死然死盜不義吾活汝
授以朱玉高霄名曰縛此自贖朱玉者亦劇盜乘一
騾日踔四百里部曲千人金偵玉飲某所呼兩壯士
突入就席擊殺玉解其佩刀去高霄者項大俠家藏
亡命百餘人日事剽劫金獨身入其巢袖鉄椎椎霄
撲地縛之歸自是賊黨解散然懋廉竟病劇不起卒

於官

國朝

吳贊元字蓉城崇禎庚午舉人順治初由中書舍人擢
監察御史巡按江西時豫章初入版籍四方反側未
安贊元撫輯有方威信大布遂收建饒廣贛諸郡又
以袁瑞二府困於浮糧之累幾三百年特疏奏免民
至今德之初贊元有同年文德翼爲嘉興推官造訪
拒弗見後文爲人所誣論死贊元一日錄囚見階下
縲紲而乞命者文也爲脫其罪人服其高義

荆其惇字勅五爲諸生時博極羣書尤留心理學事親

孝兄弟友愛靡間粹然儒者也壬午舉於鄉順治丁亥司教南陵登己丑進士擢知平樂縣丁內艱未赴服闋補郟城令明季流寇躡豫地郟害尤劇其惇莅任初僦居民舍事皆草創以次漸舉邑東龍塘河口陳穎間關隘也惇嘗築堤防禦屹如長城郟人植荆隄上以誌其德號荆隄云時朝廷用兵楚粵師出必經郟他郡邑皆檄民供餼民苦之其惇單騎迎師夜臥幕府外身先吏民親執芻牧之事大將軍偵知其廉嘖嘖稱賢令以故兵屢至而郟弗驚郟故濱河河決開歸徵調夫柳之屬以萬計惇曰民不可重困令

當之子身詣河上酌計盈縮歲省郟費無算又郟俗好巫巫言黑龍神降聚眾具旗仗迎神喧呶驚擾其惇密召首事者令解散毀其廟未幾果譁言郟民倡亂守將將勒兵捕之案驗無狀而止其爲治寬嚴得大體多此類令郟六年報最適遣壯丁護解羣盜乘虛趨庫藏其惇督廬丁出搏戰盜前刺殺之已知爲令也大悔恨遁去庫藏得無失未幾盜皆獲俯首曰不意傷賢使君死固當郟人悲思之初惇之教南陵也崇文講學法紀秩如弟子守其教弗替至是聞變亦悲思之以故兩邑并祀名宦惇少時家貧出繼叔

父爲後數月遺腹子生乃子身出不受所分其狷潔如此

楊志遠字爾甯崇禎己卯舉於鄉國初司教六合登順治乙未進士授刑部主事事多平反出爲下江防道駐蘄州蘄故盜藪又戈陳諸族剽掠爲民害强悍難制志遠曉以信義遂投戈自効尋陞汝南道時流賊餘黨李好據南陽殘擾民死亡過半志遠招集休養民賴以安裁缺歸里布衣徒步若未嘗貴仕者卒年六十有五

孫允恭字堯表順治戊子己丑聯捷成進士授戶部主事累官浙江按察使事親孝歷仕中外皆板輿迎養父歿廬墓三年丁繼母艱家居十七年久之始就補粵東僉事擢工部郎中允恭兩爲巡道以司官奉使者三所至皆錚錚有聲

荆龍章字瑞義康熙癸酉舉人任貴州貴定縣設義學延名師公餘督課苗狝之子蒸蒸向善詳請題設苗生學額歲饑賑濟全活甚多苗狝素苦土司虐龍章請將苦竹寨數百戶改土歸流改名甘棠村城西白洋河地當孔道水發舟輒覆捐建石橋績詳黔省名宦傳

重修丹陽縣志 卷之二十七
姜朝俊字民章康熙乙未進士授廣東新甯令甯地環山薄海盜賊叢聚有李義李安穹督力過人爲羣盜首強莫能制俊至昭信義示軍威親往諭之賊衆感服盜遂止初蒞任儒童不滿百數年至八百餘膺卓薦擢建甯守時閩中奏請開墾俊曰開墾一行民必有有糧無田之累吏必有有征無納之虞何裨於國甯棄職勿病民後他府亦寢不行郡有封禁山居民多以叛逆被誣朝俊力爲申雪立祠祀之並勒石紀其事雍正癸丑陞延建邵道以父憂歸旋丁母憂哀毀成疾卒年五十五

吉夢熊字毅揚號渭崖乾隆十七年春鄉秋會聯捷成進士由編修官御史彈劾不避權貴直隸總督方觀承時方嚮用夢熊獨抗疏劾其匿水災不報一時直聲振都下又條陳五閘情形通漕積弊經筵事宜亦多所贊畫歷鴻臚光祿太僕寺卿擢順天府府尹咸惠並行畿輔清肅兩與鄉會同考一典山左鄉試視學閩中者再革除棚規裁生童贅儀以正士習振文風爲己任入直 上書房三十年未嘗請假課書偶暇自養正之原以及古今治體莫不剴切敷陳充四庫館全書總閱三扈灤河再扈木蘭卷阿賡言幾及

百章丁母憂主揚州安定書院講席四十九年服闋入都與千叟宴補內閣侍讀學士仍直上書房轉太僕寺卿以通政使致仕

胡應魁字岳青乾隆甲辰進士歷任廬州甯國府教授陞臺灣府德化彰化兩縣知縣彰化居海嶠自林爽文亂後餘黨蔡牽朱潰每遊奕伺釁應魁礮沉其舟獲牽股目十三人彰賴以靖擢淡水同知淡水編竹爲城蔡牽欲窺全臺以淡水易攻率海船數十先登守將陳宗湟戰死適副將盧植以巡洋至魁與植更番迭戰賊殊死鬪乃馳召所撫噶嗎蘭義目吳恆沙

來援恆沙部署生番八百人列炬夜行火光亘海上數十里賊驚遁未幾復圍郡城時應魁以守彰化功釋篆入都引見聞信復諭恆沙赴援官軍方戰於彰之東螺應魁率番人披髮徒跣直入其陣賊驚潰且聞援軍將至圍遂解圍去堵一路而全臺以安應魁功爲最經略賽冲阿將上其事應魁遽以積勞卒於臺彰人感之爲立祠致祭焉

